




Komisija za izbor i imenovanja i administrativna pitanja  
Broj: 01-05-24497-3/17  
Sarajevo, 26.07.2017. godine

**SKUPŠTINA KANTONA SARAJEVO  
SLUŽBA ZA SKUPŠTINSKE POSLOVE**

Predmet: Prijedlog odluke o standardima i kriterijima za imenovanje predsjednika i članova Nadzornog odbora Kantonalne agencije za privatizaciju, dostavlja se

U prilogu akta vam dostavljamo Prijedlog odluke standardima i kriterijima za imenovanje predsjednika i članova Nadzornog odbora Kantonalne agencije za privatizaciju.  
Predlažemo Skupštini Kantona Sarajevo da u skladu sa Poslovníkom Skupštine Kantona Sarajevo donese navedenu Odluku.



**PREDSJEDAVAJUĆI KOMISIJE**

[Redacted signature]  
Kenan Hadžićević, dipl. pravnik





Na osnovu člana 7. stav 2. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 34/03 i 65/13), i člana 117. Poslovnika Skupštine Kantona Sarajevo („Službene novine Kantona Sarajevo“ – Drugi novi prečišćeni tekst broj 41/12, 15/13, 47/13, 47/15, 48/16), Skupština Kantona Sarajevo, na sjednici održanoj dana . godine, donijela je

### **Prijedlog**

#### **ODLUKU**

#### **O STANDARDIMA I KRITERIJIMA ZA IMENOVANJE PREDSJEDNIKA I ČLANOVA NADZORNOG ODBORA KANTONALNE AGENCIJE ZA PRIVATIZACIJU SARAJEVO**

##### **Član 1.**

(Predmet Odluke)

- (1) Ovom odlukom Skupština Kantona Sarajevo utvrđuje standarde i kriterije za imenovanje na poziciju predsjednika i članova Nadzornog odbora Kantonalne agencije za privatizaciju Sarajevo.

##### **Član 2.**

(Uslovi za imenovanje)

- (1) Za predsjednika i člana Nadzornog odbora Kantonalne agencije za privatizaciju Sarajevo može biti imenovan kandidat koji ispunjava sljedeće opće uslove:
- a) da je državljanin Bosne i Hercegovine;
  - b) da je stariji od 18 godina,
  - c) da nije otpuštan iz državne službe kao rezultat disciplinske mjere na bilo kojem nivou u BiH u periodu od tri godine prije dana objavljivanja upražnjene pozicije,
  - d) da se na tog kandidata ne odnosi član IX 1. Ustava BiH (da se ne nalazi na izdržavanju kazne izrečene presudom Međunarodnog tribunala za bivšu Jugoslaviju i niti je pod optužnicom Tribunala, a nije se povinovao-la naredbi da se pojavi pred tribunalom);
  - e) da nije osuđivan za krivično djelo;
  - f) da nije osuđivan za privredni prijestup;
  - g) da se protiv njega ne vodi krivični postupak,
  - h) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije BiH“, broj: 70/08).
- (2) Pored navedenih općih uslova, kandidat koji se imenuje za predsjednika i člana Nadzornog odbora Kantonalne agencije za privatizaciju Sarajevo, treba da ispunjava i sljedeće posebne uslove:

- a) da ima univerzitetsku diplomu ili akademske kvalifikacije najmanje VII stepena stručne spreme, odnosno visoko obrazovanje prvog ili drugog ili trećeg ciklusa Bolonjskog sistema studiranja
  - b) da ima najmanje pet godina radnog staža u struci,
  - c) da je upoznat sa propisima iz oblasti privatizacije,
  - d) da posjeduje sposobnost da savjesno, odlučno i odgovorno obavlja upražnjene pozicije,
  - e) da posjeduje sposobnost nepristrasnog donošenja odluka,
  - f) da posjeduje sposobnost upravljanja finansijskim resursima i naklonjenost timskom radu,
  - g) da posjeduje komunikacijske i organizacijske sposobnosti,
  - h) da nije član u više od jednog Upravnog ili Nadzornog odbora u drugom organu ili instituciji
- (3) Dokaz o ispunjavanju uslova iz stava (1) tačka e), f) i g) ovog člana, pribavlja organ imenovanja, po službenoj dužnosti, samo za izabrane kandidate i tek po okončanju Javnog oglasa.

### Član 3.

(Ravnopravnost pri izboru)

- (1) Prilikom utvrđivanja ili primjene standarda neće se vršiti diskriminacija prema bilo kome na osnovu rase, nacionalnog ili etničkog porijekla, boje, vjere, spola, bračnog statusa, porodičnog statusa, invalidnosti ili postojanja presude za koju je izrečeno pomilovanje.
- (2) U toku postupka vodiće se računa o spolnoj zastupljenosti.

### Član 4.

(Oglašavanje)

- (1) Na osnovu općih uslova utvrđenih u članu 7. stav 1. Zakona o ministarskim, vladinim i drugim imenovanjima Federacije Bosne i Hercegovine i standarda i kriterija iz ove odluke Komisija za izbor i imenovanja i administrativna pitanja Skupštine Kantona Sarajevo će raspisati javni oglas za imenovanje predsjednika i članova Nadzornog odbora Kantonalne agencije za privatizaciju.
- (2) Komisija za izbor i imenovanja i administrativna pitanja Skupštine Kantona Sarajevo će imenovati komisiju za provođenje javnog oglasa.

### Član 5.

(Čuvanje standarda i kriterija)

Standardi i kriteriji za imenovanje čuvaju se u evidenciji Komisije za izbor i imenovanja i administrativna pitanja Skupštine Kantona Sarajevo.

### Član 6.

(Prestanak važenja dosadašnje Odluke)

Stupanjem na snagu ove odluke prestaje da važi Odluka o kriterijima za utvrđivanje prijedloga kandidata za članove Nadzornog odbora Kantonalne agencije za privatizaciju Sarajevo broj: 01-05-5769/07 od 02.04.2007. godine.

Član 7.  
(Stupanje na snagu)

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

Broj:01-05- /17  
Sarajevo, 2017.godine

PREDSJEDATELJICA  
SKUPŠTINE KANTONA SARAJEVO

Prof. Ana Babić



## O B R A Z L O Ž E N J E

### I P R A V N I O S N O V

Pravni osnov za donošenje ove Odluke sadržan je u članu 7. stav 2. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 34/03 i 65/13), kojim je propisano da će odgovorni javni službenik (u ovom slučaju Skupština Kantona Sarajevo) utvrditi standarde za izbor i ocjenjivanje u smislu stepena obrazovanja, znanja i iskustva, poznavanja stranih jezika i drugog, a što je, po njegovom mišljenju neophodno ili poželjno s obzirom na prirodu poslova koje treba obavljati, kao i član 117. Poslovnika Skupštine Kantona Sarajevo („Službene novine Kantona Sarajevo“, broj 41/12 –Drugi novi prečišćeni tekst, 15/13, 47/13, 47/15, 48/16), kojim je propisano da Skupština Kantona Sarajevo donosi Ustav, zakone, budžet i izvještaj o izvršavanju budžeta, prostorni plan Kantona, Poslovnik Skupštine, odluke i zaključke, deklaracije, preporuke i smjernice.

### II R A Z L O Z I Z A D O N O Š E N J E

Član 17a. Zakona o kantonalnoj agenciji za privatizaciju ("Službene novine Kantona Sarajevo", broj 6/97, 7/00 i 19/11) propisuje da Skupština Kantona Sarajevo imenuje Nadzorni odbor Kantonalne agencije za privatizaciju.

Odluka o kriterijima za utvrđivanje prijedloga kandidata za članove Nadzornog odbora Kantonalne agencije za privatizaciju Sarajevo broj: 01-05-5769/07 od 02.04.2007. godine nije u skladu sa Zakonom o ministarskim, vladinim i drugim imenovanjima Federacije BiH koji propisuje da je odgovorni javni službenik skupština kantona i da će utvrditi standarde za izbor i ocjenjivanje u smislu stepena obrazovanja, znanja i iskustva, poznavanja stranih jezika i drugog, a što je, po njegovom mišljenju neophodno ili poželjno s obzirom na prirodu poslova koje treba obavljati.



## ZAKON

### O IZMJENAMA I DOPUNAMA ZAKONA O MINISTARSKIM, VLADINIM I DRUGIM IMENOVANJIMA FEDERACIJE BOSNE I HERCEGOVINE

#### Član 1.

U Zakonu o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03 i 34/03), u članu 2. u stavu 1. u tački 1.6. na kraju teksta dodaju se nove rečenice koje glase: „Odgovorni javni službenik iz ove tačke je lice ili organ koje je osnovao navedeni regulirani organ. Ako je regulirani organ ili organe osnovao Parlament Federacije Bosne i Hercegovine, skupština kantona, skupština grada ili općinsko vijeće tada je odgovorni javni službenik Parlament Federacije Bosne i Hercegovine, skupština kantona, skupština grada ili općinsko vijeće. Ako je regulirani organ osnovala Vlada Federacije Bosne i Hercegovine, vlada kantona, gradonačelnik ili općinski načelnik tada se oni smatraju za odgovornog javnog službenika u smislu ovog zakona“.

#### Član 2.

U članu 3. u stavu 2. tačka (C) briše se.

Dosadašnje tač. (D) i (E) postaju tač. (C) i (D).

#### Član 3.

Član 4. mijenja se i glasi:

#### „Član 4.

#### **Nominacije/imenovanja na kraći period**

Nominacije/imenovanja na kraći period su nominacije ili imenovanja na najviše tri mjeseca koja se ne mogu ponoviti.“.

#### Član 4.

U članu 6. stav 2. briše se.

Dosadašnji st. 3. i 4. postaju st. 2. i 3.

#### Član 5.

U članu 7. st. 3. i 6. brišu se.

U stavu 4. riječi: „st. 2. i 3.“ zamjenjuju se riječima: „stava 2.“.

Dosadašnji st. 4. i 5. postaju st. 3. i 4.

navedenom imenovanu.

4. Kriterijumi za imenovawe na bilo koju poziciju u regulisanom organu moraju biti relevantni i odnositi se na poziciju koja se popuwava, te moraju jasno pokazati da su relevantni za zadovoljavawe potreba regulisanog organa za koji se predla`e imenovawe.

^lan 7.

### Standardi i kriterijumi

1. Svi kandidati za imenovawe u regulisane organe du`ni su da ispuwavaju sqede}e op{te uslove:

a) da su stariji od 18 godina,

b) da nisu otpu{teni iz dr`avne slu`be kao rezultat disciplinske mjere na bilo kojem nivou u Bosni i Hercegovini (bilo na nivou dr`ave ili entiteta) u periodu od tri godine prije dana objavqivawa upra`wene pozicije,

c) da se na wih ne odnosi ~lan IX.1. Ustava Bosne i Hercegovine.

2. Osim ovih op{tih uslova, u svrhu odrejivawa osnova za izbor prema kvalitetu, odgovorni javni slu`benik }e utvrditi standarde za izbor i ocjewivawe u smislu stepena obrazovawa, znawa, iskustva, poznavawa stranih jezika i drugog, {to je, po wegovom mi{qewu, neophodno ili po`eqno s obzirom na prirodu poslova koje treba obavqati.

3. U izradi kriterijuma za imenovawe mo`e se zatra`iti i uzeti u obzir mi{qewe rukovodioca regulisanog organa u koji se vr{i navedeno imenovawe o pitawima kao {to su kriterijumi za izbor (ukqu`uju}i stepen obrazovawa, stru~no znawe i iskustvo i druge posebne uslove) za pravilno vr{ewe funkcije.

4. Prilikom utvrjivawa ili primjene standarda iz st. 2. i ~~X~~ ovog ~lana, odgovorni javni slu`benik ne}e vr{iti diskriminaciju prema bilo kome na osnovu rase, nacionalnog ili etni~kog porijekla, boje, vjere, pola, bra~nog statusa, porodi~nog statusa, invalidnosti ili postojawa osude za koju je izre~eno pomilovawe.

Broj 34 - Strana 1678 SLU@BENE NOVINE FEDERACIJE BiH ????, 07.07.2003.

5. Odgovorni javni slu`benik kriterijume za imenovawe ~uva u evidenciji.